

東皋草堂醫案

二



南京中醫藥大學圖書館版權所有

吐血

一人房慾過度。每遇春令必吐血。發後忽胸脇痛。唇
口乾焦。時而離魂欲脫。切其脉微如羹上肥。患者問
曰。男女之欲。人皆有之。夫何使我至於此極也。余曰。
相火寄於肝。藏于腎。隨心之動靜爲起伏。房勞則火
起於腎。肝遊行乎三焦。龍飛電作。雲興水湧。肝家之
血亦如之。今胸脇空痛者。肝無血養也。肝藏魂。肝失
其職。故神不守舍而欲脫也。余每見樹木凡植于路
傍者。十有九空。亦以動則火起。木多泄氣之故耳。



紫河車 一具 人參 四兩 鹿茸 一對 地黃 二兩 阿膠 二

兩 烏骨雞 一隻 猪脊脊 二條 羊脊髓 二條 山藥 四兩

蓮肉 四兩 棗肉 一百個 巴戟 二兩 山查 四兩 遠志 一

兩 明礬 二兩 白蜜丸如梧桐子每服百丸棗湯下服

半年而愈

一人患吐血醫用涼血之劑止之將遠行邂逅遇諸

塗自謂血症已全愈止傍晚發熱及咳嗽未除耳求

余診脈洪大而數幾及六至余曰春得夏脈一忌也

況吐血之後尤忌洪數尚當靜養半年俟秋涼束裝

何○如○果○於○夏○月○卒○

一○人○咳○嗽○吐○血○身○灼○熱○左○脇○如○壓○重○物○咳○則○刺○痛○謦○
語○頭○不○能○舉○舉○則○氣○逆○噎○劇○穀○食○不○進○者○二○十○餘○日○
諸○藥○罔○效○延○余○診○視○六○脉○洪○大○余○憶○少○時○曾○患○此○症○
幸○賴○徐○君○同○野○療○治○得○生○因○詢○其○曾○負○重○努○力○乎○侍○
者○曰○否○曾○犯○房○事○乎○侍○者○曰○否○余○用○危○言○以○激○之○病○
者○畧○爲○首○肯○遂○用○大○黃○末○一○兩○酒○爲○丸○延○胡○一○兩○桃○
仁○五○錢○紅○花○二○錢○甘○草○一○錢○桂○枝○一○錢○芒○硝○五○錢○煎○
湯○送○下○半○日○頃○下○血○痰○黑○糞○半○桶○頭○漸○舉○再○用○前○方○

之半服而安寢急用補中益氣湯加童便連服兩月
服參飭外而愈此症若非身親其恙與病者自默其
頭其敢放胆用藥乃爾乎可笑世人諱疾試醫以療
病爲射覆設或誤授命殞頃刻何其愚也



嘔吐

一人傷風。身背發熱。肩臂牽痛。胸膈滿悶。每食第

口必嘔。嘔而復下。以香燥投之。不效。以疎散投之。又

不效。不得已。用溫煖鎮墜下焦之藥。投而輒吐。求治

於余。余曰。此瀉氣症也。因上焦傷風。閉其腠理。經氣

失道。邪氣內着。所致。經云。諸痿喘嘔。皆屬于上。今不

治上而治下。宜其無功矣。照古方。麥門冬湯作散。八

日全愈。麥冬 三兩 生蘆根 三兩 人參 一兩 葳蕤 一兩

竹茹 三兩 白朮 三兩 甘草 七錢 陳皮 一兩 生姜 二片



陳米 一合

一人每進食。卽發呃逆。兩年後。嘔吐大作。跌陽脈遲。而虛病人畏嘔。不敢飲食。食亦輒吐。幸大便溏。而不結。且遍想喜啖之物。余知其胃氣未敗。止因虛寒。不能腐熟水穀。投以東垣藿香安胃散。藿香 一錢。丁香 一錢。人參 二錢。橘紅 一錢。爲末。每服二錢。生姜三片。同煎涼服。



心疼

一婦人胃脘痛。按之轉劇。疑是實症。而右關未見沉

實有力之脈。且左脈皆伏而弱。知其飲冷血滯也。內

服煎方。外貼上池膏而愈。枳殼 木香 延胡

蓬朮 厚朴 陳皮 木通 烏藥 桂枝 玫瑰

花。○ 玫瑰花。即徘徊花。本草所不載。用之自西洋始。

臭之香甜。信其走血而入脾。用以治血鬱。如胃膈疼

痛。經期作楚等症。試而輒效。吾願世人放胆用之。普

救一切。勿謂自我作古也。

余妹胃脘痛。右關洪數。此火痛也。以黃芩 白朮



半夏 橘紅 白蔻 黃連 山查 茯苓 厚朴

甘草 煎吞一劑而愈。

一人心疼。晝夜不已。間作怔忡之狀。用人參一錢 白五分

芍 二錢 甘草 五分 當歸 二錢 青皮 一錢 白蔻 八分 石

菖蒲 五分 白茯苓 一錢 遠志 五分 炒塩 一匙 二服 頓瘳

一婦人心頭痛。切脉辨色。諦其為氣鬱痰凝也。用神

授燒脾散投之。藿香 半夏 草蔻 青皮 良

姜 延胡 厚朴 陳皮 石菖蒲 五靈脂 蚶

粉 乾姜 砂仁 神曲 麥芽 炒塩 赤芍



共爲末○姜一片○葱白一个○煎湯敷麻油少許調末藥○
吞下立愈○

上池膏主治內外諸病○一十四條○其心疼一症○奏效
尤捷○每有湯藥之所不能療者○應手霍然○數年以來○
經驗者不下千餘人矣○不勝枚舉也○



甘草 煎吞一劑而愈
 一人心疼 晝夜不已 間作怔忡之狀 用人參
 二錢 甘草 五分 當歸 二錢 青皮 一錢 白朮
 野 薑 湯 不 和 藥 人 突 至 想 非 尋 常 藥 二 服 頓 愈
 此 藥 氣 亦 顯 藥 之 功 不 能 盡 述 矣 氣 鬱 滯 難 平 因 利
 生 通 導 滯 氣 內 收 諸 症 一 半 頃 刻 其 效 如 神 青 皮 太 效
 亦 不 是 藥 厚 朴 陳 皮 石 菖 蒲 五 靈 脂 蚘
 其 為 本 姜 一 粒 蒸 白 神 仙 煎 湯 導 滯 和 降 坐 荷 補 本 藥



虛損

一人面黃膚腫氣短神疲口渴咽乾內熱咳嗽脈現
濡弱兩尺尤微此精虧氣損陰陽兩憊之症也陽虛
則肺虛肺虛則津不足以充澤皮膚陰虛則腎虛腎
虛則液不足以灌溉表裡經云憂悲傷肺肺傷不得
不竊脾母之氣以自救故金耗而土亦虧又云恐傷
腎腎傷則無以滋肝子之氣以敷榮故木旺而土愈
弱當是憂恐所致法當七分補脾三分補肺腎爲投
人參一錢黃芪一錢白朮一錢白茯苓八分廣皮八



分甘草五分熟地一錢山藥一錢丹皮七分半夏麴
八分五味三分姜棗同煎服十劑有效卽以此方加
料煉蜜爲丸服兩月而愈

一婦人多汗頭眩時欲離魂因其煩躁人皆以爲火
也余曰六脉將脫焉得有火陽往外走將成亡陽爲
之定方人參二錢附子七分五味子五分歸身一錢

黃芪

一錢五分

桂枝

五分

白芍

一錢五分

炙甘草

六分

棗仁

二錢

龍骨

八分

防風

六分

麥冬

一錢

飴糖

一錢

兩劑而愈

一人咳嗽吐紅內熱虛煩飢膚瘦削者二年矣延余

診視余曰。藥多則傷胃。今胃氣已弱。而復以湯劑投之。徒自苦耳。向有紫河車膏方。藥少而味甘。不過六七日服盡矣。如法製就。服至第三日。痰如棉絮狀者。一湧如注。咳嗽除而虛煩愈。後以六君子湯調理全瘳。白壯紫河車一具。去血。新布絞乾。配生地黃四兩。切片。川椒末一錢。砂仁末五錢。用真白酒漿四飯碗。入磁瓶內。隔湯煮一晝夜。鍋內頻頻添水。膏成。取起。再用新白布絞去渣。瀝膏入磁餅中。出火毒三日。每日空心服膏一茶杯。善飲者用陳酒調下。不飲者用

白湯調下。

一人房勞過度。兩脛酸疼。腰背拘急。飲食無味。耳內風聲。夜臥夢與鬼交。遺精盜汗。鑒藥罔效。延予灸。四花六穴。診其脉。辭之曰。仲景云。微數之脉。慎不可灸。因火爲邪。則爲煩逆。追虛逐實。血散脉中。火氣雖微。內攻有力。焦骨傷筋。血難復也。今脉虛數。本爲精傷。血少。而復灸之。將見元陰立涸矣。當用耜苗小丹。以漸增加。勿責速效。可望回春。病者如法調理。經年而元氣始復。

熟地

肉蓯蓉

各六兩
酒浸

五味子

兎絲

子各五兩

酒浸

栢子仁

天冬

炒

蛇床子

覆盆子

戟

酒浸

石斛

各三兩

續斷

澤瀉

人參

山藥

遠志

山萸肉

菖蒲

桂心

白茯苓

杜仲

各二

兩

天雄

製一兩

煉蜜丸如梧子大每服三十丸溫酒

送下加至五十丸

附七損八益論

夫陽貴而陰賤猶之天尊而地卑也故扶陽抑陰

聖人每三致意焉不特鑒道爲狀也但陰陽應象

大論通篇於平列陰陽中隱寓扶陽之義猶之講

虛損



夫和妻柔而夫倡之義自見云耳。並未有損陰之說也。若陰果可損。則人身止須一陽足矣。何復有陽勝之病哉。夫一陰一陽之謂道。不可更勝也。陽勝則死於陽。陰勝則死於陰。故黃帝以調此二者爲問。欲明乎陽如何而後不勝乎陰。陰如何而後不勝乎陽。俾斯民盡登仁壽之域也。然陽何以勝。非勝於陽之有餘。乃勝于陰之不足。陰何以勝。非勝於陰之有餘。乃勝於陽之不足。所以岐伯欲言調先言用。欲言用先言知。若曰不知持滿。無由調。